



Broj: 17-14-1412-22

Datum: 07.05.2018. godine

Na osnovu člana 64. stav (1) tačka a) , člana 70. st. (1) i (3) i člana 89. stav (1) Zakona o javnim nabavkama („Sl. glasnik BiH“, broj 39/14), a u skladu sa članom 3. Uredbe o osnivanju Stručne službe za zajedničke poslove Kantona Sarajevo (“Sl. Novine Kantona Sarajevo broj 5/06 – Prečišćeni tekst) i Preporuke Komisije za dodjelu radova u postupku javne nabavke tekućeg održavanja mašinskih instalacija u objektima Kantona Sarajevo od 04.05.2018. godine, načelnik Stručne službe za zajedničke poslove je donio

ODLUKU

o izboru najpovoljnijeg ponuđača u konkurentskom postupku javne nabavke dodjele radova tekućeg održavanja mašinskih instalacija u objektima Kantona Sarajevo

Član 1.

(Predmet Odluke)

Prihvata se Preporuka Komisije za dodjelu radova u postupku javne nabavke tekućeg održavanja mašinskih instalacija u objektima Kantona Sarajevo i ugovor za javnu nabavku dodjeljuje se najpovoljnijem ponuđaču „ITG“ d.o.o. Sarajevo, ponuda broj: 133-18/0103, za ponudenu ukupnu cijenu u iznosu od 31.415,00 KM bez PDV-a (36.755,55 KM sa PDV-om) i načinom plaćanja 60 dana.

Član 2.

(Prijedlog okvirnog sporazuma)

- (1) Prijedlog okvirnog sporazuma dostavit će se na potpis izabranom ponuđaču u skladu sa članom 72. Zakona o javnim nabavkama („Sl. glasnik BiH“, broj 39/14) (*u daljem tekstu: Zakon*).
- (2) Izabrani ponuđač je dužan dostaviti dokumente zahtjevano tenderskom dokumentacijom iz čl. 45. i 47. Zakona u roku od 3 dana od dana prijema ove odluke.
- (3) U slučaju da izabrani ponuđač propusti dostaviti tražene dokumente u određenom roku, Stručna služba za zajedničke poslove Kantona Sarajevo će postupiti u skladu sa članom 72. stav (3) Zakona.

Član 3.

(Objava Odluke)

Ova odluka objavit će se na web-stranici ugovornog organa www.sszp.ks.gov.ba, istovremeno s upućivanjem obavijesti ponuđačima koji su učestvovali u postupku javne nabavke, u skladu sa članom 70. stav (6) Zakona.



O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke broj: 17-14-1412-16 od 02.04.2018. godine.

Javna nabavka je provedena putem konkurentskog postupka javne nabavke.

Ukupna procijenjena vrijednost nabavke iznosi 35.000,00 KM bez PDV-a.

Obavještenje o nabavci broj: 1230-7-3-38-3-24/18, objavljeno je dana: 02.04.2018. godine.

Tenderska dokumentacija objavljena je na portalu javnih nabavki dana 02.04.2018. godine.

Komisija za javnu nabavku imenovana je Odlukom o imenovanju: broj 17-01-05-31300 od 20.10.2017. godine i Odlukom o izmjeni i dopuni Odluke o imenovanju broj: 17-01-05-31300-1 od 06.03.2018. godine.

Krajnji rok za prijem ponuda bio je: 13.04.2018. godine do 14:00h, a javno otvaranje ponuda je upriličeno u Multimedijalnoj sali (ul. Reisa Džemaludina Čauševića 1), sa početkom u 14:30h.

Komisija za javnu nabavku je rukovodiocu institucije dostavila Zapisnik o pregledu i ocjeni ponuda broj: 17-14-1412-21 od 04.05.2018. godine koji ujedno čini preporuku o izboru najpovoljnijeg ponuđača.

U postupku po Zapisniku Komisije utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajući zapisnik, u kojima je utvrđeno sljedeće:

- Ukupan broj pristiglih ponuda: 3
- Broj blagovremeno zaprimljenih ponuda: 3
- Broj neblagovremeno zaprimljenih ponuda: 0
- Broj prihvatljivih ponuda: 2
- Broj neprihvatljivih ponuda 1

Komisija je pristupila analizi dostavljene dokumentacije u smislu provjere validnosti ponuda obzirom na iskazane zahtjeve Ugovornog organa u predmetnom postupku, a u skladu sa procedurama i pravilima utvrđenim Zakonom i ostalim podzakonskim aktima.

Prikaz prihvatljivosti ponuda prema obliku, sadržaju i potpunosti, iz zapisnika sa otvaranja ponuda – analitička tabela:

| Red.br. | PONUĐAČ | Ukupna cijena ponude u KM bez PDV-a/sa PDV-om | Način plaćanja |
|---------|----------------------|---|----------------|
| 1. | AS GAS o.d. Sarajevo | 24.200,00/28.314,00 KM | 60 dana |
| 2. | ITG d.o.o. Sarajevo | 31.415,00/36.755,55 KM | 62 dana |



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094, Fax: + 387 (0) 33 562-220
Sarajevo, Reisa Džemaludina Čauševića 1



| | | | |
|----|--------------------------|--|---------|
| 3. | Elkomont d.o.o. sarajevo | 38.864,00/45.470,88 KM Ponudeni popust 10% =34.977,60/40.923,79 KM | 40 dana |
|----|--------------------------|--|---------|

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da su sljedeći ponuđači dostavili kompletne i formalno pravno prihvatljive ponude.:

1. ITG d.o.o. Sarajevo
2. Elkomont d.o.o.

Ponuda ponuđača **AS GAS o.d. Sarajevo** se odbacuje kao **neprihvatljiva** iz sljedećih razloga:

1. Poglavlje IV Podaci o ponudi, tačka 1) Sadržaj ponude, podtačka b. „Obrazac za ponudu (Prilog 1)“
 - Ponuđač je dostavio popunjen „Obrazac za ponudu“ u kojem navodi da dostavlja ponudu za „Servis klima uređaja na godišnjem nivou“ što je samo jedna stavka nabavke, a ne za cjelokupnu nabavku kako je predviđeno Tenderskom dokumentacijom.
2. Poglavlje IV Podaci o ponudi, tačka 1) Sadržaj ponude, podtačka c. „obrazac za cijenu ponude sa svim elementima koji je čine (Prilog 2).“
 - Ponuđač je dostavio Obrazac za cijenu ponude (Prilog 2) koji je ispunio u samo jednoj stavci, i to stavku 5. „Cijena servisa klima uređaja na godišnjem nivou“, dok je ostale stavke ostavio nepopunjene. Dodatno, ponuđač je dostavio posebno izraženu „Ponudu“ na vlastitom obrascu sa memorandumom, u kojem potvrđuje da nudi izvođenje radova servisa klima uređaja na godišnjem nivou, iako se predmet nabavke ne može cijepati ili dijeliti po stavkama, već treba da sadrži sve elemente nabavke.
3. U Izjavi o ispunjenosti uslova iz člana 45. stav (1) tačka c) i stav (4) Zakona (Prilog 4) ponuđač je propustio navesti datum i mjesto davanja izjave. Obzirom da na ovjeri nadležnog organa stoji datum ovjere, samo ovaj propust ponuđača se ne smatra razlogom za odbacivanje ponude.
4. U skladu sa Poglavljem III Uslovi za kvalifikaciju, tačka 2) Sposobnost obavljanja profesionalne djelatnosti – u smislu člana 46. Zakona, podtačka 1) alineja I, ponuđač je bio obavezan dostaviti Aktuelni izvod iz sudskog registra ili izjavu/potvrdu nadležnog organa iz koje se vidi da je ponuđač registrovan za obavljanje djelatnosti koja je predmet nabavke, kao neovjerenu kopiju, s tim da datum izdavanja originala ne može biti stariji od tri mjeseca računajući od dana dostavljanja ponude.
 - Ponuđač je dostavio neovjerenu kopiju Rješenja o odobrenju obavljanja obrtničke djelatnosti, izdato od strane Općine Novi Grad Sarajevo broj: 03-21-10268/07 od 04.09.2007. godine, odnosno starije od tri mjeseca.
5. U skladu sa Poglavljem III Uslovi za kvalifikaciju, tačka 3) Ekonomska i finansijska sposobnost ponuđač je bio obavezan dostaviti Izjavu iz člana 47. (Prilog 4) i neovjerene kopije bilansa stanja i bilansa uspjeha za 2017. godinu.



- Ponuđač je dostavio Izjavu iz člana 47. Zakona, ali je propustio dostaviti kopije bilansa stanja i uspjeha za 2017. godinu ili druge dokumente koji dokazuju ispunjenost uslova iz člana 47. stav (1) Zakona, odnosno obzirom da je ponuđač registrovan kao obrtna djelatnost, bio je obavezan dostaviti kopije Obrasca SPR1053 (Specifikacija za utvrđivanje dohotka od samostalne djelatnosti) i Obrazac GPD1051 (Godišnja prijava poreza na dohodak).
6. U skladu sa Poglavljem III Uslovi za kvalifikaciju, tačka 4) Tehnička i profesionalna sposobnost ponuđač je bio obavezan dostaviti ovjerenu kopiju „Uvjerenja PIO / MIO kantonalne administrativne službe sa uplatom doprinosa i broja prijavljenih uposlenika, sa spiskom aktivnih osiguranika i nazivom zanimanja kojom dokazuje obrazovne i profesionalne kvalifikacije za uposlena licâ koja su odgovorna za pružanje zahtjevanih radova i popunjenu Izjavu (Prilog broj 5).
- Ponuđač je propustio dostaviti dokaz o angažovanim licima koja su odgovorna za pružanje zahtjevanih radova.
 - Ponuđač je propustio dostaviti ispravno popunjenu Izjavu iz člana 51. Zakona – ponuđač nije ispunio podatke na Izjavi o posjedovanju odgovarajućeg certifikata, potvrde, dozvole i sl.) pod tačkom c), a što je bio obavezan, već je samo zaokružio tačku f) Izjave.
7. U Izjavi iz člana 52. (Prilog 6) Zakona (Prilog 4) ponuđač je propustio navesti datum i mjesto davanja izjave. Obzirom da na ovjeri nadležnog organa stoji datum ovjere, samo ovaj propust ponuđača se ne smatra razlogom za odbacivanje ponude.

Komisija je izvršila vrednovanje prispjelih ponuda, shodno kriterijima iz Tenderske dokumentacije, te ustanovila rang listu kako slijedi:

| Red.br. | Ponuđač | Cijena | Način plaćanja | Ukupan broj bodova |
|---------|---|---|-------------------------------------|--------------------|
| 1. | ITG d.o.o. Sarajevo | 31.415,00/31.415,00*8 0 =80 bodova | 60 dana/60 dana*20 =20 bodova | 100,00 bodova |
| 2. | Elkomont d.o.o. Sarajevo | 31.415,00/34.977,60*8 0 =71,85 bodova | 40 dana/60 dana*20 =13,33 bodova | 85,18 bodova |

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku, a izbor najpovoljnijeg ponuđača je izvršen u skladu sa Zakonom, podzakonskim aktima i tenderskom dokumentacijom.

Izbor ponuđača je izvršen primjenjujući kriterij ekonomski najpovoljnije ponude.



web: <http://vlada.ks.gov.ba>
 e-mail: sszp@sszp.ks.gov.ba
 Tel: + 387 (0) 33 562-094, Fax: + 387 (0) 33 562-220
 Sarajevo, Reisa Džemaludina Čauševića 1



Iz navedenih razloga, primjenom člana 64. stava (1) tačka a) i člana 89. stav (1) Zakona, odlučeno je kao u dispozitivu.

POUKA O PRAVNOM LIJEKU:

U skladu sa članom 101. stav (5) Zakona, protiv ove Odluke može se izjaviti žalba ugovornom organu, najkasnije u roku od 5 (pet) dana od dana prijema ove Odluke, na način propisan članom 99. Zakona.



Pripremila: Azra Sipović
Kontrolisao: Sedin Kozadra. dipl.ecc.

Prilog:

Zapisnik o pregledu i ocjeni ponuda od
04-05-2018 godine

Dostaviti:

1. Ponuđačima
2. a/a



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094, Fax: + 387 (0) 33 562-220
Sarajevo, Reisa Džemaludina Čauševića 1

